

Leger La Quotidiana era senza palpiri

Il concern da medias da la Südostschweiz promova la convergenza da medias e va en l'offensiva cun la communicaziun digitala

DA MARTIN CABALZAR

■ Il consum da medias sa midà da lecturas e lecturs e las novas pussaivladads tecnicas da la communicaziun digitala na restan betg senza influenza era per nossa gasetta quotidiana rumantscha. En l'avvegnir na pon ins betg leger La Quotidiana mo sco ediziun stampada sin palpiri, mabain er a moda digitala sco app sin il kiosk digital Tablet u sco app sin il telefonin iPhone. Per abbonents è questa purschida gratuita. Quai vala era per las ulteriuras duas gasettas quotidianas «Die Südostschweiz» e «Bündner Tagblatt». È l'abunntent ina giada registrà po el consultar gratuitamain da tut temp las novitads actualas ord la regiun, da la Svizra e da l'exteriur. Sut il register «Zeitungen» sin il portal electronic da la Südostschweiz «www.suedostschweiz.ch» chattan ins plinavant ils artitgels da front da tut las gasettas che vegnan edidas da la SO Medias, pia era da las gasettas emnilas «Bündner Woche», «Engadiner Wochenzeitung», «Arena Alva», «Aroser Zeitung/Schanfigger Zeitung», «Novitads», «Pöschli» e «Rhiiblat». Tgi che giavischa da leger l'entira gasetta po far quai spert e simpel: Abunntents registrads pon leger «lur titel» gratuitamain sco e-Paper.

Era la sparta da blog da la «suedostschweiz.ch» è integrada en l'app en lieu prominent, uschia che lecturas e lecturs pon leger las contribuziuns da lur auturs preferids era sin viadi.

Era Radio Grischa è da la partida

En l'ensaina da la convergenza da medias che vul promover la cooperaziun tranter gasettas, radio e televisiun porscha l'app era cuntegns multimedials. Ins po tadlar Radio Grischa e perseguir il travasch en il studio live grazia ad ina camera installada en il studio. Proximamain vegn



era Tele Südostschweiz a vegnir integrada en l'applicaziun digitala. Planisads en plinavant era ulteriurs «Features» cun fotografias, «Breaking News» e «Brookmarks» persunals.

Ulteriurs servetschs

Tgi che na vul betg mo consumar, mabain er collavurar po far adiever da la rubrica «servetschs». Sco collavuratur liber pudais Vus trametter Vossas contribuziuns da text e fotos sut la sparta «Nos lecturs rapportan». Contribuziuns che vegnan publicadas en la gasetta vegnan bunifitgadas cun in pitschen onurari.

Kiosk mobil sin il tablet

Praticamain en il medem mument cun la lantschada dal smartphone apps ha la Südostschweiz Medias era mess en funcziun ils apparats da tablet sco iPad. Quel finistrel funcziuna a moda sumeglianta ad in kiosk. Tut las ediziuns da las gasettas quotidianas e localas edidas da SO Medias pon vegnir distgargiadas sco e-Paper. Abunntents da La Quotidiana u d'ina autra gasetta pon leger «lur» gasetta di per di e dapertut e quai gratuitamain. La suletta premissa per quest «consum gratuit» è da sa registrar ina giada cun il numer d'abunntent

sin il portal online da «suedostschweiz.ch».

Tablet per prezi reduci

Sco «regal d'introducziun» datti per abbonents dad ina gasetta dal di da la Südostschweiz Medias in tablet PC per prezi reduci. Tgi che abunntescha ina da las trais gasettas quotidianas La Quotidiana, «Bündner Tagblatt» u «Die Südostschweiz» u ina gasetta locala (betg gratuita) per almain 6 mais spargna daners. Exactamain: 100 francs. In abo datti numnadamain ensemen cun in Eee Pad gia per 499 francs. Inclusiv tastatura che

che fa or d'in tablet PC in Netbook fa quai 599 francs.

Dentant betg mo ils novs abbonents che profiteschon da questa acziun. Er ils abbonents actuals d'ina gasetta pajada da la Südostschweiz Medias obtegnan in tal apparat per 429 resp. 529 francs e spargnan uschia radund 70 francs sin il pretsch original.

Leger digital daventa attractiv

Il tablet PC fa che la lectura digitala da las gasettas daventa pli attractiva. Ins po simpelmain installar gratuitamain l'app da la Südostschweiz Medias e tscherner il product giavischà – e finì. Per il mument sa restrenscha la pli valur anc sin la mobilitad, damai che la gasetta elegida po vegnir legida «mo» sco pdf el layout original. Pli tard vul la SO Medias aschuntar a questa purschida era cuntegns da multimedia sco galarias da fotos e videos sco er elements interactivs sco concorrenzas e retschertgas. En il decurs da quest atun pon ins plinavant era gia recepir Radio Grischa e pli tard era Tele Südostschweiz.

Nov èsi che tut ils abbonents da la Südostschweiz han er automaticamain access a l'ediziun da E-Paper, saja quai via homepage u app. Tgi che sa registrescha uss sin www.suedostschweiz.ch obtegnan in daner da start da 20 francs cun ils quals ins po cumprar separadamain titels che n'en anc betg abunntads.

En il pretsch d'abo levamain adattà pon ins consultar gratuitamain artitgels che custan ed en da chattar exclusivamain sin la plattafurma dad online. E la finala pon era tut las ediziuns da E-Paper che en pli viglias che 10 dis vegnir legidas gratuitamain.

Ulteriuras infurmaziuns tar la purschida digitala da Südostschweiz Medias sut:
www.suedostschweiz.ch/tablet
 ni www.suedostschweiz.mobile

FOTO M. HARTMANN